

中國方志叢書·華中地方·第六六號

據

清·姚寶燐等修范崇楷等纂
清·嘉慶十六年修·民國六年重刊本

影印

浙江省

西安縣志

(一)

成文出版社有限公司印行



10097776

中華民國五十九年 三月 壹一版

西安縣志

全四冊

發行人：**黃 成 助**

台北郵政信箱二二六〇五號

出版者：**成文出版社有限公司**

台北郵政信箱二二六〇五號

台北市羅斯福路三段279之二號

電話：三七〇一三二號

印刷者：**東南印製廠有限公司**

和平西路二段70巷83弄29號

內政部登記證內版台業字第一一四七號

民國六年重刊

衢州聚秀堂印

西
安
縣
志

衢縣公署藏板

重刻西安縣志弁言

居今日而刊舊志非

鑄西

意也

鑄西

以四年一月來

宰是邑既視事搜求邑乘不可得懸重價購之尠有
應者文物風俗靡所考鏡心甚戚焉爰亟力徵訪久
之得二本一曰康熙志爲陳公鵬年知縣事時所纂
輯一曰嘉慶志成於嘉慶辛未乃西安縣令姚公寶
燊重修者滄洲一代聞人手勦斯志誠爲偉業姚公
賡續前賢復加增訂作者述者胥具苦心顧自嘉慶
以來至於今已百有餘年矣耆獻無徵風尙多變矧

復改革以還新舊遞嬗府制既除縣名亦易將欲發
明新意潤色鴻業目非別爲一衢縣志不足以紹述
前聞昭示來許居恆抱此區區蘄達素愿而未能者
厥有三難蒞任之始旱澇頻仍賑撫兼施心力俱瘁
洎乎帝制復萌海內多事浙局既變衢防尤嚴修廢
舉墜實有未逮此時勢難邑之有志無異國史國情
隨時代爲轉移斯國史不得不視舊例有增損志雖
限於一邑其意亦猶是也改弦更張雖因實創則發
起難昔人修志貲力悉取之於地方初固無所束縛

今則上之既爲法令所拘下之又爲經濟所困左支
右絀窒礙孔多則經費難綜斯三者

鑄西

於此匪特

謙讓未遑已也志既失修書闕有間散諸民間者殆
如鳳毛麟角過此以往勢必日就湮沒後之人欲求
西安縣志其難或有十倍於今日者不獲已請爲重
鑄既報可檢嘉慶舊板以屬手民脫者補之漶漫不
可收拾者勘校而剗刪之凡三閱月乃告殺青焉嗟
乎使



鑄西

生當陳姚二公之時雖不敢求如二志之

美備而勉竭棉薄亦必有所成就奚用此抱殘守缺

爲哉故曰非鑄西意也

中華民國六年二月靳春桂鑄西謹識



西安縣志序

西安據吾浙之上游環山襟水
形控百粵者也於春秋時為
越姑蔑地秦曰太末漢曰新
安隋曰三衢至唐則為浙州
焉方今

聖化熙洽邇域泝埏而雨淋尤臻
殷阜民生其間沐浴福應宅
心醺粹懿式備矣嘉慶十有
二年漢軍姚侯出宰是邑儼
碩立富教克修昔之青衿
向訓黃髮履禮益以惠安於

政事之暇與邑之賢士大夫
增輯舊志豈徒徵引遐博裒
綴條整哉蓋以邑洪偉絨可
與史書疏證者作小補也志
成問序於余哀退滋慙焉足
應其請然富春與伍安東玄

僅四百里其山川清美風俗
淳樸有近似者又喜妣侯之
能嘉惠於茲土也曷敢以不
文辭竊惟周有邦國之志
漢有隨計之書郡邑志則
自宋始大致在闕採精核新

於傳信而已今綜覽是志凡
夫城垣營署溝渠坊巷因沿
修舉之盛備詳於昔且德行
道藝登於書藝育豐穰登
於書益見

熙澤之龐汪曼衍而揚摧方來未

有艾為非僅如宋之新安吳
郡赤城會稽諸志詳略互見
已也其印以此為治譜之明
驗而偕邑之賢士大夫樂親
政成歟爰綴數語於簡端


嘉慶十六年三月既望

經筵講官太子太師

文華殿大

學士管理刑部世襲騎都尉

富春董誥謹序



書
人

12

西安縣志序

國家承平百七十年天下同文版
圖式廓日出入之表悉主悉臣
嘗纂一統志

頒行海內甚盛典也顧寰宇有寰
宇之志郡縣有郡縣之志志因

地而殊亦隨時而異矧信安在
禹貢揚州之域為浙東屏翰文
物聲名侔於上國紀載尤不容
缺而聽其曠廢可乎攷邑乘自
康熙戊寅巳卯間湘潭陳勤恪
公作令於此憫典章之放失延